

# 「童」發問 家長和孩子的23個疑問



香港聖公會小學輔導服務處「童」發問 家長和孩子的23個疑問

抗疫期間，孩子停課、興趣班暫停、課外活動暫停，連最愛的公園「放電」時間都沒有了，面對突如其來的改變，

**孩子心事有誰知？**

部分家長「留家工作」，親子相處時間多了，家長在照顧孩子方面可能遇上不少疑難，

**爸媽煩惱又有誰知？**





## 孩子有疑問

在這段日子，孩子日常生活受到影響，心中有萬般疑問，爸媽可以如何回應？

### 家長回應原則



先聽「心情」，  
後答「事情」



積極聆聽，  
不作批判



言詞淺白，  
不作誇大



正面回應，  
適量指導





## 初小孩子篇 第7問

好多人病咗，我好唔開心，好難過。

你見到啲人病咗好辛苦，想佢哋快啲好返，你好識得關心人，好有愛心呀。爸媽都同你一樣都覺得難過，不如我哋一齊為病人祈禱，希望佢哋快啲好返。





## 高小孩子篇 第8問

我有啲唔舒服，  
喺咪患左武漢肺炎？

你近排成日聽到有人講武漢肺炎，可能都會擔心自己患上。你講俾爸媽知你邊度唔舒服先，我哋一齊睇下點幫你。唔舒服唔一定喺武漢肺炎，普通傷風感冒都會覺得唔舒服，不如我幫你度吓體溫，有需要時我哋可以搵醫生檢查。





## 高小孩子篇 第9問

喺咪會一直唔洗返學？

你似乎對幾時可以再返學有啲疑問，爸媽知道教育局宣佈暫時決定3月2號學生可以返學，你喺咪有咩擔心或者關心？可以同爸媽分享吓？





## 高小孩子篇 第10問

我好想出去玩，  
點解唔可以？

我估你好想出去玩，覺得留喺屋企好悶。有時我都會同你一樣覺得悶，不過依家喺特別時期，我哋要預防武漢肺炎病菌嘅感染，保障健康，所以暫時要留喺屋企。不如我哋一齊攞下創意，諗下喺屋企都可以玩到嘅活動！（請參閱「童」享家庭樂 - 家庭遊戲集。）





## 高小孩子篇 第11問

都唔洗返學，  
點解唔可以打機？

明白你留喺屋企覺得好悶，想打機娛樂下。爸媽覺得如果你能夠妥善安排時間，適當嘅娛樂喺可以嘅。我同你一齊規劃下啲時間！另外，除咗打機，我哋都可以一家人玩吓棋、或者做吓運動，我哋一齊試下。





## 初小孩子篇 第12問

停咗課，  
點解仲要做功課？

你以為停課唔使返學，就唔使做功課呢？停課其實係一個特別嘅安排，因為想減少交叉感染嘅風險，我哋雖然暫時留喺屋企，但唔等於停止學習，所以學校會安排功課，等我哋善用時間繼續學習。





如有其他疑問，  
歡迎致電聯絡  
學校社工

